



ამიერკავკასიის სოციალისტური ფედერატიული საბჭოთა რესპუბლიკის
მუშათა და გლეხთა მთავრობის

კანონთა და განკარგულებათა კრებული

| | | |
|--------------------------|---|---|
| 1932 წლის თებერვლახ 1 | № 3 გ ა ნ ც მ თ ე ი ლ ე მ ა პ ი რ ე ლ ი | ა/კფსრ სახალხო კომისარ- თა საბჭოს საქმეთა მმართველობის გამოცემა. |
|--------------------------|---|---|

შ ი ნ ა ა რ ს ი :

დადგენილებანი ა/კფსრ სახალხო კომისართა საბჭოსი და სრულიად საქავშირო კომუნისტური პარტიის (ბ) ამიერკავკასიის სამხარეო კომიტეტისა.

- მუხ. 22. 1932 წელს ა/კფსრ-ში მეაბრეშუმეობის განვითარების გეგმის შესახებ.
- 23. მეაბრეშუმეობის 1932 წლის გეგმის აღსრულების უზრუნველყოფ ღონისძიებათა შესახებ.


დადგენილებანი ა/კფსრ სახალხო კომისართა საბჭოსი.

- 24. ა/კფსრ-ში ოთხფეხი საქონლის მთლიანი აღნუსხვისათვის ხელმძღვანელობის გასაწევად ამიერკავკასიის სააღნუსხვო კომისიის მოწყობის შესახებ.
- 25. საბინაო კოოპერაციის მუშაობის გაუმჯობესების ღონისძიებათა შესახებ.
- 26. „1931 წ. შემოდგომა-ზამთრის პერიოდის გადაზიდვებისათვის სარკინისგზო და ავტოტექანზიდვის ტრანსპორტის განმზადების თაობაზე“ გამოცემული ა/კფსრ სახალხო კომისართა საბჭოს 1931 წ. სექტემბრის 1-ის დადგენილების 1-ლი მუხლის გაუქმების შესახებ.
- 27. მუნიციპალური საცხოვრებელი ფონდის სამეურნეო ანგარიშზე გადატანისა და სახლის ტრესტების და საბინაო-საიჯარო ამხანაგობების დაწერის შესახებ.

დადგენილება ა/კფსრ სახალხო კომისართა საბჭოსი და სრულიად საქავშირო კომუნისტური პარტიის (ბ) ამიერკავკასიის სამხარეო კომიტეტისა.

22. 1932 წელს ა/კფსრ-ში მეაბრეშუმეობის განვითარების გეგმის შესახებ.

ა/კფსრ სახალხო კომისართა საბჭო და სრულიად საქავშირო კომუნისტური პარტიის (ბ) ამიერკავკასიის სამხარეო კომიტეტი აღნიშნავენ, რომ პარტიულმა, საბჭოთა და სამეურნეო ორგანიზაციებმა აბსოლუტურად არასაკმარისი ყურადღება მიაქციეს მეაბრეშუმეობის განვითარების საკითხებს, რის გამოც მეაბრეშუმეობა ა/კფსრ-ში ჯერ კიდევ თვალსაჩინოდ ჩამორჩება ომის წი-



ნადროის დონეს და ერთი უაღრესად ჩამორჩენილი დარგთაგანია ა/კსფსრ სახალხო მეურნეობისა.

მებარეშუმეობის მდგომარეობას ა/კსფსრ-ში ახასიათებს ის, რომ ხელ-ქონებული საკვები ფონდი სავსებით გამოყენებული და საკმარისად გაფართოებული არ არის, აგრეთვე ის, რომ მებარეშუმეობის განსაზოგადოებისა და სააბრეშუმეო მეურნეობის წარმოებაში ახალი მეთოდების შთანერგვის ტემპები საკმარისი არ არის.

ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი აღნიშნავენ, კერძოდ, რომ პარტიული, საბჭოთა და სამეურნეო ორგანიზაციები შეუწყნარებლად მოეკიდნენ აბრეშუმის ქიის თესლისა და პარკის კამპანიის საგაზაფხულო გეგმის შესრულების საქმეს, განსაკუთრებით ოპორტუნისტულად მოეპყრნენ კულაკურ-შეძლებულ მეურნეობათათვის მტკიცე დავალებათა მიცემის საკითხს, რის გამოც 1931 წლის გაზაფხულის გეგმა შესრულებული არ არის ყველა მაჩვენებლების ხაზით (აბრეშუმის ქიის თესლის გაცოცხლების ოდენობა, პარკისა და ხრალის დამზადება, თუთის ნარგავთა ჩაყრა), ხოლო პარკის დამზადების გეგმა ა/კსფსრ-ში შესრულებულია 44,5%-ით; ამასთანავე, აზერბაიჯანის სსრ-ში 40,8%-ით, საქართველოს სსრ-ში 46,1%-ით და სომხეთის სსრ-ში—69,2%-ით.

გასული წლის მეორე ნახევარწელიწადში არამც თუ არ მოხდა გარდატეხა თუთის გაშენებისა და მებარეშუმეობის განვითარების გეგმების შესრულების ტემპებში, არამედ, პირიქით, გარღვეულობა უფრო გაღრმავდა: საშემოდგომო გამოკვების გეგმები აზერბაიჯანის სსრ-სა და სომხეთის სსრ-ში მთლად ჩაიშალა, ხოლო საქართველოს სსრ-ში გეგმა შესრულებულია მხოლოდ 14%-ით.

აგრეთვე აბსოლუტურად არადამაკმაყოფილებლად ჩატარებულია საბჭოთა მეურნეობებსა და კოლექტიურ მეურნეობებში თუთის ნარგავთა ჩაყრის საშემოდგომო კამპანია. დეკემბრის 1-თვის მოხსნილია საბუჩქე პლანტაციებათათვის გეგმით გათვალისწინებული მიწების: აზერბაიჯანის სსრ-ის კოლექტიურ მეურნეობებში—19,44%-ით და საბჭოთა მეურნეობებში—51%-ი; საქართველოს სსრ-ის კოლექტიურ მეურნეობებში—12%-ი და საბჭოთა მეურნეობებში—39%-ი; სომხეთის სსრ-ის კოლექტიურ მეურნეობებში—52%-ი; თანაც პლანტაციების ჩაყრის გეგმა შესრულებულია სრულიად უმნიშვნელო პროცენტით.

ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი განსაკუთრებით აღნიშნავენ პარტიული, საბჭოთა და სამეურნეო ორგანიზაციების უუნარობას—სათავეში ჩასდგომოდნენ კოლმეურნეთა მასებს პარკის კონტრაქტაციის და დამზადების ორგანიზაციისა და პლანტაციების ჩაყრის გეგმის შესრულების საქმეში, რამაც გამოიწვია გეგმის თვალსაჩინო შეუსრულებლობა.

1932 წელს ა/კსფსრ-ში მებარეშუმეობის განვითარების გეგმის შესრულების უზრუნველსაყოფად ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი აღ-გენენ:

1. 1932 წლისთვის საგზაფხულო გამოკვების გეგმა განისაზღვროს 203.000 კოლოფის რაოდენობით; აქედან: აზერბაიჯანის სსრ-ში—100.000 კოლოფი, სომხეთის სსრ-ში -3.000 კოლოფი და საქართველოს სსრ-ში—100.000 კოლოფი. ერთი კოლოფი აბრეშუმის ჭიის თესლის გამოსავალი განისაზღვროს: საქართველოში—34 კილოგრამის რაოდენობით, სომხეთში—50 კილოგრამის რაოდენობით და აზერბაიჯანში—25 კილოგრამის რაოდენობით.

2. ა/კსფსრ მიწათმოქმედების სახალხო კომისარიატმა და რესპუბლიკების მიწათმოქმედების სახალხო კომისარიატებმა უნდა უზრუნველყონ არსებული საკვები ფონდის სრული გამოყენება და გაფართოება ძველ ნარგავთა ფოთლოვნობის გადიდებით და აგრეთვე 1932 წელს 10.100 ჰექტარი საბუჩქე პლანტაციების ჩაყრით (აქედან: აზერბაიჯანის სსრ-ში—4.500 ჰექტარისა, სომხეთის სსრ-ში—600 ჰექტარისა და საქართველოს სსრ-ში 5.000 ჰექტარისა); ამ რაოდენობიდან—1.600 ჰექტარი საბჭოთა მეურნეობებში (აზერბაიჯანის სსრ-ში—700 ჰექტ., სომხეთის სსრ-ში—200 ჰექტ. და საქართველოს სსრ-ში—700 ჰექტ.)

ა/კსფსრ მიწათმოქმედების სახალხო კომისარიატმა და რესპუბლიკების მიწათმოქმედების სახალხო კომისარიატებმა, „სოიუზშოლკ“-ის ამიერკავკასიის განყოფილებასთან ერთად, უნდა ჩაატარონ 1932 წელს თუთის ნარგავთა აღნუსხვა.

3. წყალთა მეურნეობის ორგანოებმა უნდა უზრუნველყონ თუთის ნარგავები სარწყავი წყლით; ამასთანავე, საბაბე რაიონებში თუთის ნარგავები უზრუნველყოფილ უნდა იქნეს წყლით ბაბის თანაბრად.

4. დაევალოს ა/კ.-სა და რესპუბლიკანურ ტრაქტორცენტრებს—უზრუნველყონ სამანქანო-სატრაქტორო სადგურების მოქმედების რაიონებში მდებარე კოლექტიურ მეურნეობებში თუთის ნარგავთა ჩაყრის საქმისათვის მომსახურების გაწევა. ა/კსფსრ მიწათმოქმედების სახალხო კომისარიატმა და „სოიუზშოლკ“-მა უნდა უზრუნველყონ ტრაქტორებით საბჭოთა მეურნეობებში თუთის ნარგავთა ჩაყრის სამუშაოები.

5. ა/კსფსრ მიწათმოქმედების სახალხო კომისარიატმა და რესპუბლიკების მიწათმოქმედების სახალხო კომისარიატებმა უნდა უზრუნველყონ 1932 წელს თუთის ნარგავთა ჩაყრა საჭირო მიწის ფონდებით.

6. საჭიროდ იქნეს ცნობილი, რათა აბრეშუმის მოპოვების მიერ მუშაობას თავი მოეყაროს რესპუბლიკანურ სააბრეშუმო ტრესტებში; აქედან—აგრეთვე აგრო წარმოების მომსახურებას, პარკისა და თუთის ხრალის კონტრაქტაციას და დამზადებას, პარკის გახმობას და ჩახშობას.

7. ა/კ. საკოლმეურნეო ცენტრმა—ორი დეკადის ვადაზე, ხოლო რესპუბლიკანურმა საკოლმეურნეო ცენტრებმა—15 დღის ვადაზე—უნდა შეიმუშაონ კონკრეტული ღონისძიებანი საკოლმეურნეო მებარეშუმეობის ვანვითარებისათვის, რამაც ხელი უნდა შეუწყოს 1932 წლის გეგმის შესრულებას.

8. თუთის ხრალის პირველადი გადამუშავება თავმოყრილ იქნეს ახალი ხრალეული კულტურების ტრესტის სისტემაში. ახალი ხრალეული კულტურების ტრესტის ა/კ. განყოფილებამ უნდა უზრუნველყოს 1932 წ. სეზონისათვის მექანიკური დეკორტიკაციის შესაფერი გაწყობილობის თავის დროზე შემოზიდვა.

9. დაევალოს ა/კსფსრ მიწათმოქმედების სახალხო კომისარიატს—დააჩქაროს მაქსიმალურად სამეცნიერო-საკვლევო მუშაობა სააბრეშუმე მეურნეობის სოციალისტური რეკონსტრუქციის სფეროში, ისეთი ვარაუდით, რომ არა უგვიანეს თებერვლის 1-სა საბოლოოდ დამუშავებულ იქნეს შემდეგი საკითხები: ა) საჭიე შენობების ტიპი საბჭოთა მეურნეობისა და კოლექტიური მეურნეობისათვის; ბ) სააბრეშუმე საბჭოთა მეურნეობისა და სააბრეშუმე კოლექტიური მეურნეობის საორგანიზაციო გეგმა; გ) ერთ ჰექტარზე თუთის ნარგავთა გაშენების ნორმა; დ) ფოთლის პროდუქციის გამოსავლის ნორმა ერთ ჰექტარზე.

ა/კსფსრ სახალხო კომისართა საბჭოსთან არსებულმა აღსრულების შემმოწმებელმა კომისიამ უნდა მოისმინოს არა უგვიანეს თებერვლის 10-სა მეაბრეშუმეობის ინსტიტუტისა და ა/კსფსრ მიწათმოქმედების სახალხო კომისარიატის მოხსენება ამ სამუშაოთა აღსრულების შესახებ.

10. პარკის მოსავლიანობის გადიდებისა და თვისების გაუმჯობესების მიზნით რესპუბლიკების მეაბრეშუმეობის ტრესტებმა აბრეშუმის ქვის თესლი უნდა დაარიგონ მხოლოდ ინკუბირული სახით (საქართველოსა და სომხეთში—100%-ით, ხოლო აზერბაიჯანში—არა ნაკლებ 75%-ისა).

11. საჯიშე მასალის ღირსების დაცვისა და პროდუქციის გაუმჯობესების მიზნით დაევალოს ა/კსფსრ მომარაგების სახალხო კომისარიატს და რესპუბლიკანურ მომომარაგების სახალხო კომისარიატებს—მოახდინონ საჯიშე ქვის თესლის რეალიზაციის მტკიცე დარაიონება, რისთვისაც გამოჰყონ რესპუბლიკებში საჯიშე სარაიონო კოლექტიური მეურნეობანი.

12. დაევალოს რესპუბლიკების მეაბრეშუმეობის ტრესტებს—მოწყვრიგონ სახმობები და სახშობები პარკის მოგროვების დაწყებისათვის (მაისის დამდეგი).

13. დაევალოს რესპუბლიკების მეაბრეშუმეობის ტრესტებს—დასდგან 1932 წლისთვის ხუთი ძეჟანიზირებული საჭიე შენობები (საქართველოში—3, აზერბაიჯანში—2) მეაბრეშუმეობის ტრესტების დიდრონ საბჭოთა მეურნეობებში.

14. პარკისა და თუთის ხრალის კონტრაქტაცია ჩატარებულ იქნეს რესპუბლიკების მეაბრეშუმეობის ტრესტების მეშვეობით და დამთავრდეს 1932 წ. მარტის 1-თვის.

ა/კსფსრ მომარაგების სახალხო კომისარიატმა და ა/კსფსრ მიწათმოქმედების სახალხო კომისარიატმა უნდა შეიმუშაონ და გამოაქვეყნონ ხუთი დღის ვადაზე სათანადო დადგენილება კონტრაქტაციის წესის შესახებ.

15. სსრკ-ის მომარაგების სახალხო კომისარიატისა და მიწათმოქმედების სახალხო კომისარიატის დადგენილების შესაბამისად—დაევალოს ა/კსფსრ მომარაგების სახალხო კომისარიატს—უზრუნველჰყოს სამრეწველო და სასურსათო საქონლის თავის დროზე შეზიდვა ადგილებში.

რესპუბლიკების მომარაგების სახალხო კომისარიატებმა და მიწათმოქმედების სახალხო კომისარიატებმა უნდა გაანაწილონ ერთი დეკადის განმავლობაში საქონელი რაიონებზე დამზადების გეგმის შესაბამისად.

რესპუბლიკების ცენტრალურმა კომიტეტებმა თვალყური უნდა ადევნონ სამრეწველო და სასურსათო საქონლის თავის დროზე შემოზიდვას და ამ სა-

ქონლით მეაბრეშუმეთა მომარაგებას. რესპუბლიკების მეაბრეშუმეობის ტრესტებმა თავის დროზე უნდა აწარმოონ სიგნალიზაცია მომარაგების სახალხო კომისარიატის სისტემის მიერ თავის მოვალეობათა შეუსრულებლობის თაობაზე მეაბრეშუმეთა მომარაგების სფეროში.

16. ა/კფსრ მიწათმოქმედების სახალხო კომისარიატმა და ა/კფსრ მომარაგების სახალხო კომისარიატმა უნდა წარუდგინონ ა/კფსრ სახალხო კომისართა საბჭოს მოხსენება სათანადო რაოდენობის სამრეწველო და სასურსათო საქონლით 1932 წლის კონტრაქტაციის უზრუნველყოფის შესახებ.

17. ა/კფსრ მიწათმოქმედების სახალხო კომისარიატმა და ა/კფსრ სახელმწიფო საგემო კომისიამ უნდა წარუდგინონ ერთი თვის ვადაზე ა/კფსრ სახალხო კომისართა საბჭოს ა/კფსრ-ში მეაბრეშუმეობის განვითარების საპერსპექტივო გეგმა.

18. სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტის კადრების განყოფილებამ უნდა დააკომპლექტოს ერთი დეკადის ვადაზე „სოიუზშოლკ“-ის ა/კ. განყოფილება სათანადო მომუშავეებით.

19. რესპუბლიკების ცენტრალურმა კომიტეტებმა უნდა უზრუნველსაყონ რესპუბლიკანური მეაბრეშუმეობის ტრესტები და საკოლმეურნეო ცენტრები კვალიფიციური მომუშავეებით მეაბრეშუმეობის სახით და აგრეთვე უნდა შეიმუშაონ ღონისძიებანი მეაბრეშუმეობისათვის ახალი კადრების მოსამზადებლად.

ა/კფსრ მიწათმოქმედების სახალხო კომისარიატმა და აზერბაიჯანის სსრ მიწათმოქმედების სახალხო კომისარიატმა უნდა იხმარონ ორი დეკადის ვადაზე ღონისძიება აზერბაიჯანის უზრუნველსაყოფად მეაბრეშუმეობის სფეროში მომუშავე სპეციალისტების მინიმალური რიცხვით—სხვა რესპუბლიკებიდან მათი წარგზავნით.

20. მიენდოს რესპუბლიკების კომუნისტური პარტიის (ბ) ცენტრალურ კომიტეტებს—უზრუნველსაყონ მეაბრეშუმეობის საკითხების შესახებ სათანადო მასსური ლიტერატურის გამოცემა.

21. „ზარია ვოსტოკა“-მ და ყველა რესპუბლიკანურმა და რაიონულმა გაზეთმა განსაკუთრებული ყურადღება უნდა მიაქციოს მეაბრეშუმეობისა და 1932 წლის გეგმის შესრულების საკითხებს.

22. ა/კფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხრეო კომიტეტი წინადადებას აძლევენ ყველა პარტიულ, საბჭოთა და სამეურნეო ორგანიზაციას მეაბრეშუმეობის განვითარების რაიონებში—გაშალოს მასსური პოლიტიკური მუშაობა მეაბრეშუმეობის 1932 წლის გეგმის აღსრულების უზრუნველყოფისათვის და ღონისძიებანი მეაბრეშუმეობის შემდგომი განვითარებისათვის, როგორც ამიერკავკასიის სახალხო მეურნეობის უაღრესი მნიშვნელობის დარგისა.

ა/კფსრ სახალხო კომისართა

საბჭოს თავმჯდომარე გ. მუსაბეკოვი.

სრულიად საკავშირო კომუნისტური

პარტიის (ბ) ა/კ. სამხარეო კომიტეტის მდივანი მ. ორახელაშვილი.

გამოქვეყნებულია „ზარია ვოსტოკა“-ს მე-8 №-ში 1932 წ. იანვრის 9-ს.

დადგენილება ა/კსფსრ სახალხო კომისართა საბჭოსი და სრულიად საქავშირო კომუნისტური პარტიის (ბ) ამიერკავკასიის სამხარეო კომიტეტისა.

23. მებამბეობის 1932 წლის გეგმის აღსრულების უზრუნველყოფ ღონისძიებათა შესახებ.

სრულიად საქავშირო კომუნისტური პარტიის (ბ) ცენტრალურმა კომიტეტმა თავის, 1931 წ. ოქტომბრის 31-ის, დადგენილებაში დააყენა ამოცანა: „ამიერკავკასიის პარტიულმა ორგანიზაციებმა, განსაკუთრებით აზერბაიჯანისამ, მთავარი ყურადღება უნდა მიაპყრონ ბამბის შემდგომ შთანერგვას, რისთვისაც არა მარტო უნდა გაადიდონ ბამბის ნათესის ფართობი, არამედ აგრეთვე აუცილებლად უნდა გააუმჯობესონ დამუშავების თვისება, შთანერგონ გაუმჯობესებული თესლი, თავის დროზე აიღონ მოსავალი, თავის დროზე სთესონ და დაამუშაონ, გაადიდონ მოსავლიანობა და ბამბის განვითარებისათვის ყველასამუშაოს წარმოების დროს მათ მხედველობაში უნდა ჰქონდეთ, რომ ამიერკავკასია მეორე ხუთწილედში უნდა გადაიქცეს სსრკ ის მეორე ძალოვან საბამბე ბაზისად“.

ამ ამოცანის განხორციელება, მას შემდეგ, რაც 1931 წელს ამიერკავკასიაში ბამბის განვითარების საქმეს დაეტყო უწყებული გარდატეხა, მოითხოვს პარტიული, საბჭოთა, სამეურნეო, საბჭოთა მეურნეობებისა და კოლექტიური მეურნეობების ორგანიზაციებისაგან, სამანქანო-სატრაქტორო სადგურების მომუშავეებისაგან, პროფესიონალურ კავშირთა და კომკავშირის ორგანიზაციებისაგან ძალთა მაქსიმალურ დაძაბვას, რათა უცილობლად განხორციელებულ იქნეს მებამბეობის 1932 წლის შემდეგი საწარმოო გეგმა.

1) ა/კსფსრ სახალხო კომისართა საბჭოს და სრულიად საქავშირო კომუნისტური პარტიის (ბ) ამიერკავკასიის სამხარეო კომიტეტის 1931 წ. სექტემბრის 26-ის დადგენილების შეცვლის მიზნით—1932 წლისთვის ამიერკავკასიაში მთლად სარწყავი ბამბის ნათესის ფართობი განისაზღვროს 291.000 ჰექტარის რაოდენობით; აქედან: აზერბაიჯანის სსრ-ში—233.000, სომხეთის სსრ-ში—30.000 და საქართველოს სსრ-ში—28.000 ჰექტარი. ამის გარდა, ბოგარული ბამბის ნათესის ფართობი აზერბაიჯანის სსრ-ში მიღწევინებულ იქნეს 4.000 ჰექტარამდე.

2) მთლად საბამბე ფართობი 1932 წლისა რესპუბლიკებზე დანაწილებულ იქნეს შემდეგნაირად:

| | საბჭოთა მეურნეობები | საგლეხო მეურნეობები | |
|----------------------------|---------------------|---------------------|----------|
| | სარწყავი ფართობი | სარწყავი | ბოგარული |
| აზერბაიჯანის სსრ | 16.000 | 217.000 | 4.000 |
| სომხეთის სსრ | 1.000 | 29.000 | — |
| საქართველოს სსრ | 5.500 | 22.500 | — |
| სულ | 22,500 | 268.600 | 4.000 |

წინადადება მიეცეს რესპუბლიკების სახალხო კომისართა საბჭოებს და კომუნისტური პარტიის (ბ) ცენტრალურ კომიტეტებს—განაწილონ ორი დღის ვადაზე მიღებული ფართობები სექტორებზე.

საბჭოთა მეურნეობების ფართობი განაწილდეს შემდეგნაირად: ყარა-ჭალა—5.500 ჰექტ., სტალინის სახელობისა (მილლის)—9.000 ჰექტ., აზიზბეკოვისა—1.500 ჰექტ., ალაზანი—4.000 ჰექტ., ყარაია—1.500 ჰექტ. და სარდარაბადი—1.000 ჰექტ.

3) განსახორციელებელ აგრო-ღონისძიებათა მიხედვით—სარწყავი ბამბის საშუალო მოსავლიანობა მიღებულ იქნეს 8 ცენტნერის რაოდენობით 1 ჰექტარზე და ა/კსფსრ შედგენილობაში შემავალი რესპუბლიკებისათვის და სოციალური სექტორებისათვის დაწესდეს მოსავლიანობის შემდეგი ნორმები:

| | საბჭ. მეურნ. | კოლ. მეურნ. | ინდივ. მეურ. | ჯამი |
|------------------------|--------------|-------------|--------------|------|
| აზერბაიჯანის სსრ . . . | 9,67 | 7,8 | 7,2 | 7,82 |
| სომხეთის სსრ . . . | 7,0 | 9,5 | 9,0 | 9,3 |
| საქართველოს სსრ . . . | 8,2 | 7,2 | 6,7 | 7,3 |
| ჯამი . . . | 9,3 | 7,9 | 7,35 | 7,92 |

ბოგარული ბამბის მოსავლიანობა განისაზღვროს 3 ცენტნერის რაოდენობით 1 ჰექტარზე.

4) ნათესის ფართობისა და მოსავლიანობის შესაბამისად ნელლი ბამბის საერთო მოსავალი 1932 წლისთვის ა/კსფსრ-ში განისაზღვროს 231.748 ტონნას რაოდენობით; აქედან: აზერბაიჯანის სსრ-ში—183.328 ტონნა, სომხეთის სსრ-ში—27.920 ტონნა და საქართველოს სსრ-ში—20.500 ტონნა.

5) რადგანაც ნავარაუდები მოსავლიანობის უზრუნველსაყოფად განსაკუთრებული მნიშვნელობა აქვს სათანადო აგრო-ღონისძიებათ და წარმოების ძირითადი პროცესების მექანიზაციის განხორციელებას, ამიტომ მიღებულ იქნეს ჩასატარებლად რესპუბლიკებსა და სექტორებში შემდეგი აგრო-ღონისძიებანი:

| | აზ. სსრ | სომხ. სსრ | საქ. სსრ | სულ ა/კსფსრ |
|-----------------------------------|---------|-----------|----------|-------------|
| ა) ზამთრისპირული ხენა—სულ . . . | 150.000 | 15.000 | 15.000 | 180.000 |
| აქედან საბჭოთა მეურნეობებში . . . | 10.000 | 500 | 3.000 | 13.500 |
| ბ) ზამთრის არათი—სულ | 50.000 | 10.000 | 10.000 | 70.000 |
| აქედან საბჭოთა მეურნეობებში . . . | 7.500 | 500 | — | 8.000 |
| გ) მინერალური სასუქი—სულ | 40.000 | 23.000 | 7.000 | 70.000 |
| აქედან საბჭოთა მეურნეობებში . . . | 9.000 | 1.000 | 2.000 | 12.000 |
| დ) ნეხვის სასუქი—საგლეხო მეურ . . | 6.100 | — | 600 | 6.700 |

6) ბამბის მწკრივად თესვა ჩატარებულ იქნეს მთლად ნათეს ფართობზე, თესვისა, დამუშავებისა და პირველ მოსავალთა მექანიზაცია—საგლეხო სექტორზე არა ნაკლებ 50 პროცენტისა, ხოლო საბჭოთა მეურნეობებში—100 პროცენტით.

7) გადასარგავი ბამბის ფართობი განისაზღვროს 2.400 ჰექტარის რაოდენობით; აქედან 900 ჰექტარი საბჭოთა მეურნეობებში—შემდეგი განაწილებით

რესპუბლიკებზე: აზერბაიჯანის სსრ-ში—სულ 1,350 ჰექტარი, აქედან საბჭოთა მეურნეობებში—450 ჰექტ.; სომხეთის სსრ-ში—სულ 500 ჰექტ., აქედან საბჭოთა მეურნეობებში—200 ჰექტ.; საქართველოს სსრ-ში—სულ 550 ჰექტ., აქედან საბჭოთა მეურნეობებში—250 ჰექტ.

8) ეგვიპტის ბამბის ნათესი ფართობი განისაზღვროს 10.000 ჰექტარის რაოდენობით; აქედან 7.000 საბჭოთა მეურნეობებში.

მებამბეობის 1932 წლის გეგმის წარმატებით და თავის დროზე შესრულებისათვის საჭიროდ იქნეს ცნობილი: მასური საორგანიზაციო და პოლიტიკური მუშაობის ფართოდ გაშლა; კონკრეტულად დამუშავებული ოპერატული გეგმების თვითეულ რაიონამდე, სასოფლო საბჭომდე, სადაბე ამხანაგობამდე, სამანქანო-სატრაქტორო სადგურამდე, საბჭოთა მეურნეობამდე, კოლექტიურ მეურნეობამდე, ინდივიდუალურ მეურნემდე და—მტკიცე დავალების წესით—კულაკურ-შეძლებულ მეურნეობამდე მიწვდენა; ყოველივე ამის საფუძველზე მასლების მობილიზაცია თვისებრივ მაჩვენებელთა გაუმჯობესებისა და მოსავლიანობის გადიდებისათვის ბრძოლის გარშემო; და ამრიგად—ყოველი ცდა მიმართულ უნდა იქნეს 1932 წელს დასახული მეაბრეშუმეობის განვითარების პროგრამის უცილობლად შესრულებისათვის, რაც უაღრესი მნიშვნელობის ამოცანაა სრულიად საკავშირო კომუნისტური პარტიის (ბ) ცენტრალური კომიტეტის დადგენილების შესრულების საქმეში.

აღნიშნავენ—რა, რომ სამზადისი მებამბეობის 1932 წლის გეგმის ჩატარებისათვის არადაშეწყვეტილებელია, —ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი ადგენენ:

1. საბამბე მასსივების განმზადება და ზამთრისპირული ხვნა.

1) რესპუბლიკების მიწათმოქმედების სახალხო კომისარიატებმა, არა უგვიანეს იანვრის 15-სა, უნდა დაამთავრონ სავსებით საბამბე ფართობთა მთლიან მასსივებად დაჯუშვლა და მთესველებზე საბამბე ფართობების მიმაგრება; ამავე ვადისათვის უნდა დაამთავრონ სამიწათმოწყობო სამუშაოები (საუკეთესო მიწები უნდა მიეჩინოს კოლექტიურ მეურნეობებს) და ამ გადაწყვეტილების განსახორციელებლად უნდა წარგზავნონ ადგილებზე მიწათმოქმეობი პარტიები.

2) საქართველოს სსრ მიწათმოქმედების სახალხო კომისარიატმა, არა უგვიანეს იანვრის 15-სა, უნდა დაამთავროს ფართობის მიჩენა ალაზნის საბჭოთა მეურნეობისათვის.

3) რადგანაც საჭიროა, რომ ზამთრისპირული ხვნა 180.000 ფართობზე დამთავრებულ იქნეს 1932 წ. იანვრის 20-ს, რესპუბლიკების მიწათმოქმედების სახალხო კომისარიატებმა, ტრაქტორცენტრებმა და საკოლმეურნეო ცენტრებმა უნდა შეიმუშაონ ზამთრისპირული ხვნის ჩატარების კონკრეტული სადეკადო გეგმები რაიონობითი ხაზით, ხოლო სარაიონო ორგანიზაციებმა და სამანქანო-სატრაქტორო სადგურებმა, ამისდაშესაბამისად, უნდა შეიმუშაონ ხუთდღიანი გეგმები—დავალებათა კოლექტიურ მეურნეობებამდე, სადაბე ამხანაგობებამდე,

ინდივიდუალურ მეურნეობებამდე, სატრაქტორო და სამეურნეო ბრიგადებამდე მიწვდენით.

4) რესპუბლიკების მიწათმოქმედების სახალხო კომისარიატებმა, ტრაქტორ-ცენტრებთან და საკოლმეურნეო ცენტრებთან ერთად, უნდა შეიმუშაონ ზამთრისპირული ხენის ჩასატარებლად სამანქანო-სატრაქტორო სადგურების მთელი სატრაქტორო პარკისა და კოლმეურნეთა და ინდივიდუალურ მეურნეთა მთელი საწევი ძალის საფასვებით გამოყენების კონკრეტული ოპერატიული გეგმა.

სარაიონო კომიტეტებმა, სარაიონო აღმასრულებელმა კომიტეტებმა და სარაიონო საკოლმეურნეო კავშირებმა ზამთრისპირული ხენის მთელი მუშაობა უნდა გადაიტანონ ნარდობაზე, რისთვისაც უნდა მოაწყონ განსახდევრულ საწევ ძალაზე, ინვენტარზე და სამუშაო ნაკვეთებზე მიმდგრებულ კოლმეურნეთა სპეციალური ბრიგადები, და უზრუნველყონ ტრაქტორებისა და კოლმეურნეთა და ინდივიდუალურ მეურნეთა საწევი ძალის საფასვებით გამოყენება.

5) სარაიონო კომიტეტებმა, სამანქანო-სატრაქტორო სადგურებმა და სარაიონო საკოლმეურნეო კავშირებმა განსაკუთრებული ყურადღება უნდა მიაქციონ კოლექტიურ მეურნეობათა და ინდივიდუალურ მეურნეთა მუშა-საქონლის აღნუსხვას და დაცვას და მტკიცედ უნდა აღკვეთონ საზოგადოებრივ და სადამინისტრაციო-სასამართლო ღონისძიებათა მეშვეობით მუშა-საქონლის დაუზოგველი განზნევა (დაკვლა, გაყიდვა და მისთ.).

სარაიონო კომიტეტებმა და სარაიონო საკოლმეურნეო კავშირებმა უნდა იხმარონ ყველა საჭირო ღონისძიება, საკავშირო ცენტრალური აღმასრულებელი კომიტეტისა და სახალხო კომისართა საბჭოს დადგენილების თანახმად, საკვებთა ხელუხლებელი ფონდების შესაქმნელად, რაც ესაჭიროებათ კოლექტიურ მეურნეობათ და ინდივიდუალურ მეურნეთ როგორც ზამთრისპირული ხენისა, ისე მთელი საგაზაფხულო თვისის პერიოდში.

6) მოეწყოს სოფლებში, კოლექტიურ მეურნეობებში და საბჭოთა მეურნეობებში სპეციალური საკონტროლო ბრიგადები სასოფლო და საკოლმეურნეო აქტივისაგან ზამთრისპირული ხენის თვისებისათვის მეთვალყურეობის გასაწევად, რათა ხენას არავითარი დეფექტი არ დაჰყვეს (ხარვეზი და მისთ.) და საგეგმო დავალება ვადაზე იქნეს შესრულებული.

7) რესპუბლიკების ტრაქტორცენტრები დაუყოვნებლივ უნდა შეუდგნენ და დამთავრონ 1932 წ. იანვრის 20-თვის მთესველთა რეგისტრაცია; ამავე დროს პარტიულმა სარაიონო კომიტეტებმა, სარაიონო აღმასრულებელმა კომიტეტებმა, სამანქანო-სატრაქტორო სადგურებმა და საკოლმეურნეო ორგანიზაციებმა უნდა გაშალონ მასშური სამომზადებლო მუშაობა 1932 წლის საკონტრაქტაციო ხელშეკრულებების დადებისათვის.

8) წინადადება მიეცეს ამიერკავკასიის მეზამბეობის შენაერთს, ა/კ. ტრაქტორცენტრთან და ა/კ. საკოლმეურნეო ცენტრთან ერთად, შეიმუშაოს კონტრაქტაციის ნორმები, ვადები და წესი და აგრეთვე მთელი სახელშეკრულობო კამპანიის ჩატარების გეგმა და წარუდგინოს დასამტკიცებლად ა/კსფსრ სახალხო კომისართა საბჭოს 1932 წ. იანვრის 12-თვის.



II. წყალსამეურნეო ღონისძიებანი და ზამთრის არათი.

1) ა/კ. მეზამბეობის შენაერთმა, რესპუბლიკების სახალხო კომისართა საბჭოებმა და წყალთა მეურნეობებმა დაუყოვნებლივ უნდა იხმარონ ღონისძიება შინაგანი რესურსების საესებით გამოყენებისათვის, რისთვისაც უნდა მოაწყონ დამოუკიდებელი და კოოპერატიული ორგანიზაციების (არტელების) მეშვეობით ადგილობრივი საშენი მასალის დამზადება და გამოყენება.

2) ა/კ. მეზამბეობის შენაერთმა უნდა უზრუნველყოს წყალსამეურნეო სამუშაოებისათვის, არა უგვიანეს იანვრის 25-სა, 217 ვაგონი ხეტყის წარგზავნა რესპუბლიკების წყალთა მეურნეობებისა და საბჭოთა მეურნეობების საჭიროებად.

3) ა/კ. მეზამბეობის შენაერთმა სამეურნეო სამუშაოებისათვის გამოყოფილი 600 ტონნა ცემენტი მთლად უნდა წარგზავნოს არა უგვიანეს იანვრის 20-სა, ხოლო 1-ლი კვარტალის ფონდი 4.500 ტონნას რაოდენობით—არა უგვიანეს მარტის 1-სა.

4) დაევალოს „სტალბიტ“-ის ა/კ. განყოფილებას—უზრუნველყოს, ა/კ. მეზამბეობის შენაერთის განცხადებების თანახმად, საკავშირო მიწათმოქმედების სახალხო კომისარიატის მიერ სათანადო ასორტიმენტის შავს ლითონზე გაცემული განწესების აღსრულება.

5) ა/კ.ფსრ სახალხო მეურნეობის უმღლესმა საბჭომ და რესპუბლიკების სახალხო კომისართა საბჭოებმა უნდა მოახდინონ ყველა ქონებული შინაგანი რესურსის მობილიზაცია, რათა საშენი მასალით დაუყოვნებლივ უზრუნველყოფილი იქნეს უაღრესი მნიშვნელობის მქონე წყალსამეურნეო უბნები, ხოლო ა/კ. მეზამბეობის შენაერთმა ორი დღის ვადაზე უნდა წარადგინოს სათანადო განცხადებები—ვადებისა და მშენებლობის უბნების ზედმიწევნითი აღნიშვნით.

6) აზერბაიჯანის სსრ სახალხო კომისართა საბჭომ და აზერბაიჯანის კომუნისტური პარტიის (ბ) ცენტრალურმა კომიტეტმა დაუყოვნებლივ უნდა მისცენ კატეგორიული დირექტივები იმ საწარმოთ და ორგანიზაციებს, რომელნიც ასრულებენ მექანიკურ გაწყობილობისა, ძრავებისა და ტუმბოების დამზადების შენაკვეთებს—ამ შენაკვეთთა აღსრულების ვადების ზედმიწევნითი აღნიშვნით.

საწარმოთა პარტიულმა, პროფკავშირულმა და კომკავშირულმა ორგანიზაციებმა უნდა მიიღონ თავიანთი განსაკუთრებული მეთვალყურეობის ქვეშ წყალსამეურნეო სამუშაოებისათვის საჭირო შენაკვეთთა აღსრულება.

7) რესპუბლიკების წყალთა მეურნეობებმა ყველა წყალსამეურნეო სამუშაო საესებით უნდა გადაიტანონ ნარდობაზე და ფართოდ გაშალონ შრომის სოციალისტური ფორმები (სოციალისტური შეჯიბრება, დამკვრელობა), რისთვისაც უნდა გამოიყონ დაპრემირებისათვის საჭირო ფონდები.

8) ა/კ. ტრაქტორცენტრმა და რესპუბლიკანურმა ტრაქტორცენტრებმა თებერვლის 1-თვის საესებით უნდა დაამთავრონ მთელი სარწყავი წყლის წვრილი და უწვრილესი ქსელის მიღება.

სარწყავი წყლის ქსელის გადაცემასთან ერთად სამანქანო-სატრაქტორო სადგურებს უნდა გადაეცეს სპეციალისტების სათანადო რიცხვი.

სარაიონო აღმასრულებელმა კომიტეტებმა და პარტიულმა სარაიონო კომიტეტებმა უნდა უზრუნველყონ სამანქანო-სატრაქტორო სადგურებისა და სარა-

იონო წყალთა მეურნეობების მიერ ზამთრის არათის ჩატარების კონკრეტული ოპერატიული გეგმების დუყოვნებლივ შედგენა და აგრეთვე საგაზაფხულო რწყვისთვის წყალგანმანაწილებელი ქსელის განმზადების ოპერატიული გეგმების შედგენა; ეს გეგმები მიწვდენილ უნდა იქნეს სასოფლო საბჭომდე, კოლმეურნეობამდე და ინდივიდუალურ მეურნეობამდე; მოწყობილ უნდა იქნეს სამუდამდლო კონტროლი ამ გეგმების აღსრულებისათვის.

ზამთრის არათის დამთავრების ვადად დაინიშნოს იანვრის 20.

9) რესპუბლიკების სახალხო კომისართა საბჭოებმა და ცენტრალურმა კომიტეტებმა დაუყოვნებლივ უნდა განახორციელონ საჭირო ღონისძიებანი საბჭოთა მეურნეობებში წყალსამეურნეო სამუშაოების მუშა-ძალით უზრუნველყოფისათვის საბჭოთა მეურნეობებსა და კოლექტიურ მეურნეობებსა და კოლმეურნეთა შორის დადებული ხელშეკრულებების საფუძველზე; აგრეთვე უნდა გამოსცენ განსაკუთრებული დადგენილება—მდინარეების შემობექურებისათვის შრომისა და ჭაპანზიდვის ბეგარის ჩატარების შესახებ.

ა/კსფსრ შრომის სახალხო კომისარიატმა და რესპუბლიკების შრომის სახალხო კომისარიატებმა, საკოლმეურნეო ორგანიზაციებთან და საბჭოთა მეურნეობების ორგანიზაციებთან ერთად, უნდა გამოჰყონ ერთი დეკადის ვადაზე წყალსამეურნეო სამუშაოებისათვის საჭირო მუშა-ძალის მოგროვების რაიონები და უნდა დააბრუნონ წყალსამეურნეო სამუშაოებზე ის სპეციალისტები და წყალსამეურნეო დარგის მომუშავენი, როემელნიც ამ ჟამად სხვა დარგში მუშაობენ.

10) მუშა-ძალის მოგროვებისათვის საჭირო მუშაობა მთლად ჩატარებულ უნდა იქნეს კოლექტიური მეურნეობების მასსური მუშაობის საფუძველზე და ყოველგვარი გადახრები და ადმინისტრირება კოლმეურნეთა და ინდივიდუალურ მეურნეთა მიმართ უნდა აღიკვეთოს.

პროკურატურამ ამა დადგენილების დარღვევაში დამნაშავე პირნი უნდა აძლიოს სასტიკ პასუხისგებაში სისხლის სამართლის წესით.

11) რადგანაც წყალსამეურნეო სამუშაოებზე მოსაქმე მუშებისა და სპეციალისტების სრულ და დაუცადებელ მომარაგებას განსაკუთრებული მნიშვნელობა აქვს, ა/კსფსრ მომარაგების სახალხო კომისარიატმა და რესპუბლიკების მომარაგების სახალხო კომისარიატებმა უნდა ცალკეულად გამოჰყონ, აღნიშნულ სამუშაოებზე მოსაქმე მუშებისა და სპეციალისტების რეალური რაოდენობის შესაბამისად, სამრეწველო და სასურსათო საქონლის ფონდები—ისე, რომ ეს ფონდები არ იხარჯებოდეს სხვა რამ მიზნებზე რესპუბლიკებსა და რაიონებში.

ა/კსფსრ მუშათა და გლეხთა ინსპექციამ უნდა უზრუნველჰყოს სისტემატიური კონტროლი და მეთვალყურეობა ამა გადაწყვეტილების აღსრულებისათვის და პასუხისგებაში აძლიოს მის დარღვევაში დამნაშავე პირნი სისხლის სამართლის წესით.

12) რესპუბლიკების სახალხო კომისართა საბჭოებმა და ცენტრალურმა კომიტეტებმა უნდა იხმარონ გადაწყვეტი ღონისძიებანი წყალსარგებლობის ეკონომიისა და რაციონალიზაციისათვის, და აგრეთვე უზრუნველჰყონ კვლური და მთელი დღედღამის განმავლობაში რწყვის ფართოდ შთანერგვა.

სარაიონო აღმასრულებელმა კომიტეტებმა, პარტიულმა სარაიონო კომიტეტებმა და სამანქანო-სატრაქტორო სადგურებმა უნდა უზრუნველჰყონ ყველა აღნიშნული ღონისძიების ფართოდ დამუშავება წყალმოსარგებლებთან ერთად.

III. საბჭოთა მეურნეობებში.

1) სურთიერთო სოციალისტური თავდებობის საფუძველზე, რომლის მიხედვითაც ხორციელდება რესპუბლიკებში საბჭოთა საბამზე მეურნეობების გეგმები, ა/კ. მებამბეობის შენაერთმა და საბჭოთა მეურნეობების დირექტორებმა მაქსიმალურად უნდა გააძლიერონ ბამბის მოსავლის აღების ტემპები — ისეთი ვარაუდით, რომ ბამბის აღება დამთავრებულ იქნეს არა უგვიანეს იანვრის 15-სა და ბამბის აღებას უნდა შეუთავსონ ფართობთა განმზადება 1932 წლის გეგმის შესრულებისათვის.

2) ა/კ. მებამბეობის შენაერთმა და საბჭოთა მეურნეობების დირექტორებმა, რესპუბლიკების შრომის სახალხო კომისარიატებთან ერთად, უნდა დაიმუშაონ მუშა-ძალის ბალანსები საბამზე კამპანიის ყველა ეტაპისათვის (მოხვნა, არათი, დამუშავება, მოსავლის აღება) და აგრეთვე დაიმუშაონ ღონისძიებანი საბჭოთა მეურნეობებისათვის მუდმივი კადრების შესაქმნელად; თანაც დაუყოვნებლივ, რესპუბლიკების საკოლმეურნეო ცენტრებთან ერთად, ფართოდ გაშალონ მასსური მუშაობა მუშა-ძალის მოსაგროვებლად და კოლექტიურ მეურნეობებთან და კოლმეურნეობებთან ხელშეკრულებების დასადებად; ხელშეკრულებებში ზედმიწევნით განსაზღვრულ უნდა იქნეს სამუშაოზე მისვლისა და საბჭოთა მეურნეობებში ყოფნის ვადები, სამუშაო ხელფასი და მუშაობის მატერიალური და საყოფაცხოვრებო პირობები.

3) ა/კ. მებამბეობის შენაერთმა უნდა უზრუნველჰყოს მაისის 15-მდე 1932 წლის გეგმით გათვალისწინებული ბინების მშენებლობის არა ნაკლებ, ვიდრე 50%-ის დამთავრება.

4) ა/კ. მებამბეობის შენაერთმა უნდა დააჩქაროს ს. ორჯონიკიძის სახელობის არხის სამუშაოების წარმოება. პერსონალური პასუხისმგებლობა, რომ პირველი სავეგეტაციო რწყვისთვის ყველა სამუშაო დამთავრებულ იქნება, დაეკისროს ამხ. ტოლსტოპიატოვს.

5) რადგანაც ეგვიპტური ბამბის მოყვანას განსაკუთრებული სამეურნეო-პოლიტიკური მნიშვნელობა აქვს უცხოეთის დამოკიდებულებისაგან სსრკ-ის განთავისუფლების საქმეში, დაევალოს ა/კ. მებამბეობის შენაერთს, აზერბაიჯანის სსრ სახალხო კომისართა საბჭოს და აზერბაიჯანის კომუნისტური პარტიის (ბ) ცენტრალურ კომიტეტს — უზრუნველჰყონ ყველა ის პირობა, რაც საჭიროა ეგვიპტურ ბამბაზე მუშაობისათვის საბჭოთა მეურნეობებსა და კოლექტიურ მეურნეობებში 1932 წელს.

6) ა/კ. მებამბეობის შენაერთმა უნდა უზრუნველჰყოს თებერვლის 1-თვის გადასარგავი ბამბის კულტურისათვის საჭირო რაოდენობის მასალისა და გაწყობილობის საბჭოთა მეურნეობებში შეზიდვა.

IV. მზადება თესვისათვის.

1) ა/კ. მებამბეობის შენაერთმა, ა/კსფსრ მიწათმოქმედების სახალხო კომისარიატთან ერთად, უნდა შეიმუშაოს ხუთმეტრი დღის ვადაზე საგაზაფხულო თესვის კამპანიის დაწვრილებითი გეგმა (თესვის წინა-ხვნა, რწყვა, თესვა), შეუთანხმოს იგი რესპუბლიკანურ ორგანიზაციებს და მოახდინოს ღონისძიებათა დიფერენციაცია რაიონების თავისებურებათა და 1931 წლის გამოცდილების შესაბამისად; თანაც განსაკუთრებული ყურადღება უნდა მიექციოს დამუშავების თვისების გაუმჯობესებისა და მოსავლიანობის გადიდების ღონისძიებათა.

დადგენილების პროექტი წარედგინოს დასამტკიცებლად ა/კსფსრ სახალხო კომისართა საბჭოს და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტს არა უგვიანეს თებერვლის 1-სა.

2) ტრაქტორებისა და სასოფლო-სამეურნეო ინვენტარის რემონტი სამანქანო-სატრაქტორო სადგურებსა, საბჭოთა მეურნეობებსა, კოლექტიურ მეურნეობებსა და ინდივიდუალურ მეურნეობებში დამთავრებულ იქნეს არა უგვიანეს 1932 წ. მარტის 1-სა.

3) რადგანაც საბამე კამპანიის მომზადებასა და ჩატარებას საკოლმეურნეო სისტემაში განსაკუთრებული სამეურნეო-პოლიტიკური მნიშვნელობა აქვს, როგორც უაღრეს ეტაპს კოლექტიური მეურნეობების საორგანიზაციო-სამეურნეო და პოლიტიკური განმტკიცებისა, ა/კსფსრ მთავარ საბამე რაიონებში ძირითადად კოლექტივიზაციის დამთავრებისა და ამ ბაზისზე კულაკობის, როგორც კლასის, ლიკვიდაციის საქმეში, — ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი ავალბენ პარტიულ, კომკავშირულ, საბჭოთა, პროფკავშირულ და საკოლმეურნეო ორგანიზაციებს — მიექციონ მაქსიმალური ყურადღება და გაუწიონ კონკრეტული დახმარება კოლექტიურ მეურნეობებს წლიური საწარმო-საფინანსო გეგმებისა და კონკრეტული ოპერატიული გეგმების შედგენაში საბამე კამპანიის თვითიული ეტაპისათვის ცალკე (ხამთრისპიურული მოხვნა, არათი, თესვა, დამუშავება და მოსავლის აღება); თანაც მთავარი ყურადღება მიაპყრან ამხ. სტალინის ექვსი დირექტივის აღსრულებას.

ამასთანვე, ა/კსფსრ სახალხო კომისართა საბჭო და სრულიად საკავშირო კომუნისტური პარტიის (ბ) ამიერკავკასიის სამხარეო კომიტეტი აფთხილებენ ყველა ორგანიზაციას ინდივიდუალურ მეურნეთა (ღარიბ და საშუალოთა) შეუფასებლობის თაობაზე, რადგანაც ისინი ხვალ კოლმეურნენი უნდა ვახდნენ, და წინადადებას აძლევენ — გაძლიერონ მასური პოლტიკური მუშაობა სოფლად და გაშალონ უღონობელი ბრძოლა კულაკობასთან, მის მანევრებთან სოფელში, მის შეპარვასთან კოლექტიურ მეურნეობებში.

ა/კსფსრ სახალხო კომისართა
 საბჭოს თავმჯდომარე **გ. მუსხელიანი.**

სრულიად საკავშირო კომუნისტური
 პარტიის (ბ) ა/კ. სამხარეო კომიტეტის მდივანი **მ. ორახელაშვილი.**

გამოქვეყნებულია „ზარია ვოსტოკა“-ს მე-10 №-ში 1932 წ. იანვრის 11-ს.

დადგენილება ა/კსფსრ სახალხო კომისართა საბჭოსი.

24. ა/კსფსრ-ში ოთხფეხი საქონლის-აღნუსხვის მუშაობისათვის ხელმძღვანელობის გასაწევად ამიერკავკასიის სააღნუსხვო კომისიის მოწყობის შესახებ.

„ოთხფეხი საქონლის ერთდროული აღნუსხვის შესახებ“ გამოცემული სსრკ-ის სახალხო კომისართა საბჭოს 1932 წ. იანვრის 7-ის დადგენილების თანახმად ა/კსფსრ სახალხო კომისართა საბჭო აღგენს:

1. ა/კსფსრ-ში ოთხფეხი საქონლის აღნუსხვისათვის საერთო ხელმძღვანელობის გასაწევად მოეწყოს ა/კსფსრ სახელმწიფო საგეგმო კომისიასთან კომისია ა/კსფსრ მიწათმოქმედების სახალხო კომისარიატისა, ა/კ. საკოლმეურნეო ცენტრისა, ა/კსფსრ მომარაგების სახალხო კომისარიატისა, კავკასიის წითელდროშიანი არმიის შტაბის თითო წარმომადგენლისა და ა/კსფსრ სახელმწიფო საგეგმო კომისიის ორი წარმომადგენლის შედგენილობით.

2. ამიერკავკასიის სააღნუსხვო კომისიის თავმჯდომარედ დაინიშნოს ამხ. ს. ვარდანიანი.

3. წინადადება მიეცეს ა/კსფსრ შედგენილობაში შამავალი რესპუბლიკების სახალხო კომისართა საბჭოებს—მოაწყონ სათანადო სააღნუსხვო კომისიები რესპუბლიკებში და აგრეთვე სარაიონო აღმასრულებელ კომიტეტებთან და სასოფლო საბჭოებთან.

ა/კსფსრ სახალხო კომისართა
საბჭოს თავმჯდომარის მოადგილე ტერ-გაბრიელიანი.

ა/კსფსრ სახალხო კომისართა
საბჭოს საქმეთა მმართველი ა. შავერდოვი.

1932 წ. იანვრის 23
№ 444.

ტფილისი.

გამოქვეყნებულია „ზარია ვოსტოკა“-ს 24 №-ში 1932 წ. იანვრის 29-ს.

დადგენილება ა/კსფსრ სახალხო კომისართა საბჭოსი.

25. საბინაო კოოპერაციის მუშაობის გაუმჯობესების ღონისძიებათა შესახებ.

საბინაო კოოპერაციის მუშაობის შემდგომი განვითარებისა და გაუმჯობესების მიზნით ა/კსფსრ სახალხო კომისართა საბჭო აღგენს:

1. კოოპერატიულ-საბინაო მშენებლობის დაგეგმვის სისტემა დამყარებულ იქნეს იმ ამოცანის შესაბამისად, რომ საჭიროა მაქსიმალურად გადიდდეს საბინაო კოოპერაციის ხვედრითი წონა საბინაო მშენებლობის განსაზოგადოებულ

სექტორში და სახსარი წარიმართოს ხოლმე საბინაო კოოპერაციის ხაზით ყველა იმ შემთხვევაში, როდესაც ეს კოოპერაცია ორგანიზაციულად და ტექნიკურად გარანტიას იძლევა ამ სახსარის გამოყენებისას.

2. საბინაო კოოპერაციის ხვედრითი წონის ზრდის უზურუნველსაყოფად დამყარებულ იქნეს კოოპერატიულ-საბინაო მშენებლობის დაფინანსების ისეთი წესი, რომლის მიხედვითაც სამეურნეო ორგანოების საბინაო მშენებლობისთვის ასიგნებული სახსარის ის ნაწილი, რაც საბინაო კოოპერაციას უნდა გადაეცეს, განისაზღვროს ხოლმე სამეურნეო ორგანოების საკონტროლო ციფრებისა და მთელი საფინანსო გეგმის დამტკიცებასთან ერთად.

შენიშვნა. ის სახსარი, რასაც სამეურნეო ორგანოები გამოჰყოფენ საბინაო კოოპერაციისათვის, უნდა გადაიციეს ადგილობრივი კომუნალური ბანკების მეშვეობით პირდაპირი დაკრედიტებით.

3. დაწყებული 1932 წლიდან უნდა სწარმოებდეს საბინაო კავშირის სამშენებლო კონტორების საბრუნავ სახსართა შევსება რესპუბლიკანურ და ადგილობრივ ბიუჯეტში საბინაო მშენებლობისათვის გადადებული ასიგნების ანარიცხებით და აგრეთვე იმ რესპუბლიკანური სამეურნეო ორგანიზაციების სახსარით, რომელნიც მშენებლობას საბინაო კავშირის კონტორების მეშვეობით ანხორციელებენ—უკანასკნელ შემთხვევაში იმ თანხების ანარიცხებით, რაც გათვალისწინებულია აღნიშნული კონტორების მიერ სამუშაოს მიმცემ ორგანოებთან დადებულ ხელშეკრულებებში; ანარიცხები გადაიდება ისეთი რაოდენობით, რსაც განსაზღვრავენ ა/კფსრ შედგენილობაში შემავალი რესპუბლიკების სახალხო კომისართა საბჭოები.

4. დაევალოს ა/კფსრ ფინანსთა სახალხო კომისარიატს, ა/კ. საბინაო კოოპერაციის კავშირთან შეთანხმებით, შეიმუშაოს ორი დეკადის ვადაზე ინსტრუქცია კომუნალური ბანკების მიერ საბინაო კავშირების სამშენებლო კონტორების საბრუნავ სახსარში ანარიცხების გადადების წესის შესახებ.

5. 1932 წლიდან გადაეცეს ა/კ. საბინაო კოოპერაციის კავშირის საშენი მალით ა/კფსრ საბინაო კოოპერაციის სისტემის მომარაგების საქმე მშენებლობისა და რემონტისათვის; თანაც მიეცეს მას უფლება დასდევს უშუალოდ გენერალური ხელშეკრულებები მრეწველობასთან.

6. დაევალოს ა/კფსრ სახალხო მეურნეობის უმაღლეს საბჭოს—გამოჰყოს ხოლმე უშუალოდ ა/კ. საბინაო კოოპერაციის კავშირის განკარგულებაში ცენტრალიზებული წესით ფონდირებული საშენი მასალა მშენებლობისა და რემონტის დამტკიცებული საკონტროლო ციფრების შესაბამისად.

7. საბინაო კოოპერაციის სამეურნეო საქმიანობის საერთო განმტკიცებისა და გაუმჯობესების მიზნით მიენდოს ა/კ. საბინაო კოოპერაციის კავშირს—უზურუნველსაყოფს რესპუბლიკანურ საბინაო კოოპერაციის კავშირებთან სამშენებლო კონტორების და სხვა დამხმარე საწარმოთა მოწყობა, რომელნიც იარსებებენ საბინაო კოოპერაციის სისტემაში სამეურნეო ანგარიშზე მყოფი დამოუკიდებელი ორგანიზაციების სახით.

8. იმ მიზნით, რათა გაძლიერებულ იქნეს სტიმული საბინაო კოოპერაციაში წევრად შესვლისა, დაწესებული ქნეს, რომ:

ა) განთავისუფლებული საცხოვრებელი ფართობის 75⁰/₀-ი გადადის სათანადო საბინაო-საიჯარო კოოპერატიული ამხანაგობის განკარგულებაში წევრ-მეპაიეთა საბინაო მდგომარეობის გასაუმჯობესებლად, ხოლო 25⁰/₀-ს აღმასრულებელი კომიტეტები ან სარაიონო საბჭოები გაანაწილებენ ისეთ მშრომელთა შორისაც, რომელნიც შეიძლება არ იყვნენ წევრ-მეპაიენი;

ბ) უფლება საცხოვრებელი ფართობის გადიდებისა და დგენილი ნორმების ფარგლებში პირველ ყოვლისა ეკუთვნით წევრ-მეპაიეთ;

გ) მეპაიეთ აქვთ უფლება, რომ პირველ რიგში მათ ბინებს გაუკეთდეს რემონტი და საბინაო-საიჯარო ამხანაგობის სახლში მყოფმა კულტურულ საყოფაცხოვრებო დაწესებულებებმა გაუწიონ მათვე განსაკუთრებული მომსახურება.

9. საბინაო კოოპერაციის სახლებში მცხოვრებ მშრომელთა კულტურულ-საყოფაცხოვრებო მომსახურების გასაძლიერებლად დაწესებულ იქნეს ახალი კოოპერატიული მშენებლობისათვის დანიშნული ასსიგნებიდან ანარიცხების გადადება 10⁰/₀-ის რაოდენობით კულტურულ-საყოფაცხოვრებო მშენებლობისათვის.

შენიშვნა. მიენდოს ა/კ. საბინაო კოოპერაციის კავშირს, ა/კსფსრ კომუნალური მეურნეობის სახალხო კომისარიატთან შეთანხმებით, შეიმუშაოს ინსტრუქცია ამ ანარიცხების ხარჯვის წესის შესახებ.

10. დაწესებულ იქნეს საბინაო-საიჯარო კოოპერატიულ ამხანაგობათა საბინაო ქირის საერთო შემოსავლიდან ანარიცხების გადადება 10⁰/₀-ის რაოდენობით საბინაო-საიჯარო კოოპერაციის სახლებში კულტურულ-საყოფაცხოვრებო მშენებლობისათვის.

შენიშვნა. სახლთმეურნეობის ბიუჯეტიდან გადარიცხული თანხები ცენტრალიზებულ უნდა იქნეს ქალაქის ფარგლებში და ითვლებოდეს სათანადო საბინაო კავშირების განკარგულებაში.

11. დაწესებულ იქნეს, რომ საბინაო კოოპერატივებმა (მე-9 და 10 მუხ.) წევრთა კულტურულ-საყოფაცხოვრებო მომსახურებისათვის დანიშნული სახსარი უნდა მიაქციონ მარტოდენ კულტურულ-საყოფაცხოვრებო სადგომების მშენებლობას და გაწყობას და კადრების მომზადებას.

საბინაო კოოპერატივებში მოწყობილი კულტურულ-საყოფაცხოვრებო დაწესებულებანი უნდა ინახებოდენ ძირითადად თვითო მოსახლეობის ხარჯით, ჯანმრთელობის სახალხო კომისარიატისა, განათლების სახალხო კომისარიატისა და პროფესიონალური კავშირების სახსართა სათანადო ნაწილითურთ.

12. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ შეუთანხმონ თავიანთი კანონმდებლობა ამა დადგენილებას.

ა/კსფსრ სახალხო კომისართა

საბჭოს თავმჯდომარის მოადგილე ტერ-გაბრიელიანი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

დადგენილება ა/კსფსრ სახალხო კომისართა საბჭოსი.

26. „1931 წ. შემოდგომა-ზამთრის პერიოდის გადაზიდვებისათვის სარკინისგზო და ავტო-ქაპანზიდვის ტრანსპორტის განმზადების თაობაზე“ გამოცემული ა/კსფსრ სახალხო კომისართა საბჭოს 1931 წ. სექტემბრის 1-ის დადგენილების 1-ლი მუხლის გაუქმების შესახებ.

ა/კსფსრ სახალხო კომისართა საბჭო ადგენს:

რადგანაც ჯარიმები თავის დროზე დატვირთვისა, გადმოტვირთვისა და ვაგონების მიყენებისათვის თვალსაჩინოდ არის ვადიდებული სატარიფო წესით, რაც საკმარისად უზრუნველყოფს როგორც გზისა, ისე კლიენტურის ინტერესებს,—გაუქმებულ იქნეს 1-ლი მუხლი ა/კსფსრ სახალხო კომისართა საბჭოს 1931 წ. სექტემბრის 1-ის დადგენილებისა „1931 წ. შემოდგომა-ზამთრის პერიოდის გადაზიდვებისათვის სარკინისგზო და ავტო-ქაპანზიდვის ტრანსპორტის განმზადების შესახებ“ (ა/კსფსრ კან. კრ. 1931 წ. მე-17 №-ი, მუხ. 204).

ა/კსფსრ სახალხო კომისართა

საბჭოს თავმჯდომარის მოადგილე ტერ-გაბრიელიანი.

ა/კსფსრ სახალხო კომისართა

საბჭოს საქმეთა მმართველი ა. შავერდოვი.

1932 წ. იანვრის 27.

№ 445.

ტფილისი.

გამოქვეყნებულია ზარია ვოსტოკა,“-ს 24 №-ში 1932 წ. იანვრის 29-ს.

დადგენილება ა/კსფსრ სახალხო კომისართა საბჭოსი.

27. მუნიციპალური საბინაო ფონდის სამეურნეო ანგარიშზე გადატანისა და ხახლ-ტრესტების და საბინაო-საიჯარო ამხანაგობების დაწვრილების შესახებ.

რადგანაც მუნიციპალური საბინაო ფონდი არადაამაკმაყოფილებელ მდგომარეობაშია, ხოლო საბინაო მეურნეობის წარმოება გაუარესდა საბინაო-საიჯარო ამხანაგობებისა და სახლების ტრესტების გადიდების გამო და საჭიროა სამეურნეო ანგარიშის შთანერგვა საბინაო მეურნეობის სფეროში,—ა/კსფსრ სახალხო კომისართა საბჭო ადგენს:

1. გადატანილ იქნეს 1932 წ. თებერვლის 15-თვის მთლად მუნიციპალური საბინაო ფონდი სამეურნეო ანგარიშზე. შოისპოს მუნიციპალური საბინაო ფონ-

დის უშუალო ექსპლოატაცია აღმასრულებელი კომიტეტების კომუნალური განყოფილებების მიერ და მათ ექსპლოატაციაში ქონებული საბინაო ფონდი გადაეცეს საბინაო-საიჯარო ამხანაგობებსა და სახლის ტრესტებს.

2. დაწვრილებულ იქნეს არსებული საბინაო-საიჯარო კოოპერატიული ამხანაგობები და ყოველ სახლში, როგორც საერთო წესი, მოეწყოს დამოუკიდებელი საბინაო-საიჯარო კოოპერატიული ამხანაგობა; ამასთანავე, შეიძლება მომიჯნავე პატარა სახლების ერთ საბინაო-საიჯარო კოოპერატიულ ამხანაგობად გაერთიანება. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—განსაზღვრონ ასეთი შენაერთისათვის საცხოვრებელი ფართობის ზღვრული მაქსიმუმი.

საბინაო-საიჯარო კოოპერატიულ ამხანაგობათა დაწვრილება დამთავრებულ იქნეს 1932 წ. თებერვლის 15-თვის და ამავე ვადისათვის დასრულებულ იქნეს საბინაო-საიჯარო კოოპერატიულ ამხანაგობათა და საქალაქო კომუნალური მეურნეობის განყოფილებათა შორის ხელშეკრულებების დადების კამპანია საცხოვრებელ სახლთმეურნეობების იჯარით აღების შესახებ, წინასწარ ამ მეურნეობების ტექნიკური დათვალიერებით.

3. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—დააწესონ საცხოვრებელ სახლთა ტრესტებისათვის ოდენობის ზღვრული ნორმა და დააწვირონ არსებულ სახლ-ტრესტები, რაც დამთავრებულ უნდა იქნეს ერთი თვის განმავლობაში დღიდან ამა დადგენილების გამოქვეყნებისა.

4. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—გამოსცენ დადგენილება, რომლითაც:

ა) დაავალონ საქალაქო საბჭოებსა და რესპუბლიკანურ საბინაო კოოპერაციის კავშირებს—უზრუნველჰყონ საბინაო მეურნეობის შიგნით ღონისძიებათა განხორციელება შინაგანი რესურსების მობილიზაციისათვის და საბინაო ქირისა და კომუნალური მომსახურეობის სფეროში დავალიანების ლიკვიდაციისათვის;

ბ) ქალაქად მოსახლეობის სახსართა მობილიზაციისათვის საუკეთესო მუშაობის წასახალისებლად დაამყარონ იმ სახლთმეურნეობების დაპრემირების სისტემა, რომლებიც წარმატებით შეასრულებენ მოსახლეობის სახსარის მობილიზაციის გეგმას, აგრეთვე ამ მეურნეობების ცალკეულ მომუშავეთა დაპრემირების სისტემა;

გ) საბინაო-საიჯარო კოოპერაციის სახლებში მოსახლეობისათვის კულტურულ-საყოფაცხოვრებო მომსახურეობის წარმატებით განვითარების მიზნით დააწესონ საბინაო-საიჯარო კოოპერატიულ ამხანაგობათა საბინაო ქირის საერთო შემოსავლიდან ანარციხების გადადება 10%-ის რაოდენობით კულტურულ-საყოფაცხოვრებო მშენებლობისა და გაწყობილობისათვის.

შენიშვნა. სახლთმეურნეობის ბიუჯეტიდან კულტურულ-საყოფაცხოვრებო მშენებლობისათვის გადარიცხული თანხები ცენტრალიზებულ უნდა იქნეს ქალაქების ფარგლებში და ითვლებოდეს სათანადო საბინაო კავშირების განკარგულებაში.

5. წინადადება მიეცეს ა/კსფსრ კომუნალური მეურნეობის სახალხო კომისარიატს, ა/კ. საბინაო კოოპერაციის კავშირთან და ა/კსფსრ ფინანსთა სახალხო კომისარიატთან ერთად, შეიმუშაოს ორი დეკადის ვადაზე და წარმართოს ადგილების სახელმძღვანელოდ ინსტრუქცია მუნიციპალური საბინაო ფონდის სამეურნეო ანგარიშზე გადატანის შესახებ, და აგრეთვე სანიმუშო ნორმალიზებული ბიუჯეტი, რაც აგებულ უნდა იქნეს საცხოვრებელი ფართობის ერთეულის ექსპლოატაციის თვითღირებულების საფუძვლებზე.

6. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისარიატს საბჭოებს შეუთანხმონ ამა დადგენილებას თავიანთი კანონმდებლობა.

ა/კსფსრ სახალხო კომისარიატის
საბჭოს თავმჯდომარის მოადგილე ტერ-გაბრელიანი.

ა/კსფსრ სახალხო კომისარიატის
საბჭოს საქმეთა მმართველი ა. შავერდოვი.

1932 წ. იანვრის 28.

№ 447.

ტფილისი.

გამოქვეყნებულია „ზარია ვოსტოკა“-ს 25 №-ში 1932 წ. იანვრის 30-ს.



162

